

1-qism: Har bir topshiriq 0,9 balldan baholanadi

1. *Hamma ham do'stlarini, yaqin kishilarini e'zozlaydi, ularning ko'p bo'lishini istaydi.* Ushbu gapda qaysi gap bo'lagi uyushgan?
A) aniqlovchi B) ega C) to'ldiruvchi D) hol
2. *Vatanning dardi bilan yashamoq, uning baxtidan quvonmoq, u bilan faxrlanmoq kerak.* Ushbu gapda nechta otli birikma mavjud? A)2ta B)3ta C)4ta D)1ta
3. Berilgan birliklarning qaysilari ham so'z birikmasi, ham turg'un birikma sifatida qo'llanishi mumkin?
1) boshiga yetmoq; 2) qulog'iga quymoq; 3) o'z yog'iga qovurilmoq;
4) yaxshi ko'rmoq; 5) to'nini teskari kiymoq; 6) ko'nglidan o'tkazmoq
A) 2,3,4,5 B) 1,2,3,4,5,6 C) 1,2,3,4,5 D) 2,4,5
4. Qo'shma gap berilmagan qatorni toping
A) Umuman, odam bolasi tug'ilibdiki, nimanidir himoya qilib yashaydi
B) Kuchli shovqin nafaqat katta yoshdagi kishilar, shuningdek, o'quvchilar faoliyatiga ham zarar keltiradi
C) Yigit-qizlarimiz O'zbekistonning, insoniyatning bolasi bo'lsa, hamma faxrlanadi
D) Komila, nihoyat, tavakkaliga bir qovunni uzdi-da, hidlab olib chiqdi
5. Bo'lsa, esa so'zlari qo'shma gapning qaysi turini bog'lash uchun xizmat qiladi?
A) ergashgan qo'shma gap B) bog'lovchisiz qo'shma gap
C) bog'langan qo'shma gap D) qismlari uyushgan murakkab qo'shma gap
6. Ko'makchili qurilmalar yordamida bog'langan qo'shma gaplar tarkibida bosh gapning o'rni qanday bo'ladi?
A) ergash gapdan oldin keladi
B) ergash gapdan keyin keladi
C) ergash gapdan oldin ham, keyin ham kelishi mumkin
D) ko'makchili qurilmalar bog'langan qo'shma gap tarkibida keladi
7. Qaysi javobda o'zaro sinonim iboralar qo'llangan?
A) O'takasi yorildi – o'pkasi o'g'ziga keldi
B) Tegirmonga tushsa, butun chiqadi – tegganga tegib, tegmaganga kesak otadi
C) Tarvuzi qo'ltig'idan tushdi – hafsalasi pir bo'ldi
D) Tepa sochi tikka bo'ldi – kapalagi uchib ketdi
8. XIX asr oxiridan XX asr boshlarigacha dostonlarning variantlari bilan qo'shib hisoblaganda jami nechta doston yozib olingan? A) 150 B) 200 C) 100dan ortiq D) 400
9. Men turkcha boshlabon rivoyat, Qildim bu fasonani hikoyat. "Xamsa"ning qaysi dostonida Navoiy asarini turkiy tilda bitganini aytgan?
A)"Farhod va Shirin" B)Hayrat ul-abror" C)Layli va Majnun" D)"Sabbayi sayyor"
10. Xoja qaysi mashhur avliyoning avlodlaridan hisoblanadi?
A)Bahouddin Naqshband B)Xo'ja Ahror Valiy
C)Zangi Ota D)Abduxoliq G'ijduvoni

2-qism: Har bir topshiriq 1,5 balldan baholanadi

11. Ushbu gaplarning qaysi birida // shartli belgisi o'rnida ikki nuqta qo'yiladi?
A) Hamal keldi // amal keldi.



- B) Mening bir jaydari falsafamdir shu// Hargiz iltimosga kuning qolmasin.
C) Yana uvlar dahshat shamoli// Ko'kni qora bulut quchadi.
D) Ruboiyni ichida o'qidi// yuzini tabassum qopladi.
- 12.** Berilgan qaysi gapda gap bo'laklari to'ldiruvchi, aniqlovchi, ega va kesim tartibida joylashgan?
A) Yigitlarga ishning hammasini topshirib ketdi.
B) Xonaga sochlarining yarmi oqargan kishi kirib keldi.
C) Uning gapiga kim ham quloq solardi.
D) Hovlini qizlarning qahqahasi tutib ketdi.
- 13.** Qaysi gapda -dir qo'shimchasi gumon ma'nosini bildirib kelgan?
A) Taskin berib onam yig'laydir, Qolganlari yolg'on yig'laydir.
B) Ot mindirib kim qaytardi yurtga uni? Jahongiri bexonumon yurt edi bu.
C) Nadir millat qudratining tamadduni, Amir Temur haykalidan so'rang buni.
D) Bir vaqtlar meni deb halok bo'lgan kimdir, Men uning uchun ham yashab yuribman.
- 14.** Berilgan qaysi gapda murakkab ot kesim qatnashgan?
A) Aka, juda mohir ustasiz, sizdan o'rnak olish bizga foyda keltiradi.
B) Vazifamiz – o'qish, o'qiganda ham a'lo o'qish.
C) Kun juda isib ketgan edi, shuning uchun eshiklarni ochib qo'ydik.
D) Mening dadam shifoxonada eng tajribali jarrohlardan biri sanaladi.
- 15.** Qaysi gapda kelishik qo'shimchalari uslubiy jihatdan to'g'ri qo'llangan?
A) Ayrilganning ayiq yer, Bo'linganning bo'ri yer.
B) Har yerni qilma orzu, har yerga bor tosh-u tarozi.
C) Tilda e'tiborsiz – elga e'tiborsiz.
D) Buncha bino qo'yma zarrin choponlarga, Saratonda yaproq bo'lg'in dehqonlarga.
- 16.** Kelishik qo'shimchalari bilan birikkan so'z birikmalari qatorini belgilang?
A) Bog'da sayr, kitob uchun gilof B) Bulbul navosi, so'z sehri
C) Diqqat bilan tinglash, kitobni o'qimoq D) Ijodiy uchrashuv, bahordagi shabada
- 17.** *A'loxon o'zining xatosini angladi va gapirolmay g'uldirab javob berdi: "Sizsiz menga dunyo tor".*
Gapdagi yasama so'zlar miqdori. A) 3ta B) 5ta C) 4ta D) 6ta
- 18.** "Sog'inish" she'rida "eng kichik zarradan Yupitergacha, o'zing murabbiysan" deya nimaga nisbatan murojaat qilinadi? A) Sog'inch B) oy C) quyosh D) Alloh
- 19.** Oybekning qaysi she'ri erksizlik, tutqunlikka bo'ysunmagan ijodkor ruhining, olamni qutqaruvchi bezavol go'zallikning so'nmas timsoli bo'lib qoldi?
A) Kuz yomg'iri B) Na'matak C) O'zbekiston D) Qoraxat
- 20.** "Odamga quvvat beradigan umid, boshini toshdan qiladigan ishonch barq urib turgan haqiqiy hayot manzarasidir" "Ufq" asariga berilgan ushbu ta'rif muallifi kim?
A) Oybek B) O. Sharafiddinov C) A. Qahhor D) O' Hoshimov

3-qism: Har bir topshiriq 2,6 ballan baholanadi

- 21.** Qaysi gapdagi uyushgan aniqlovchilar orasida fonetik hodisaga uchragan yasama so'z mavjud?
A) Serchang ,sershovqin ko'chalarda odamlar daryoday oqib borar edi.
B) Ko'p o'tmasdan sergo'sht shavla tortildi
C) Chaqaloq kichkina, oppoq va dumaloq qo'llarini cho'zib menga talpindi.
D) Bu yerda xalqning, sizning, mening farzandlarimiz ta'lim olishadi.



22. Hol ergash gapli qo'shma gap berilmagan qatorni qaniqlang.
A) Shohga bildirdilarki, navkarlar beklar xizmatiga o'tib ketadi.
B) Yutug'imiz shu darajada oshdiki, har bir xodim o'z vazifasini yaxshi biladi.
C) Qay vaqt uyga kirmay, uni ko'raman.
D) Qayerda intizom bo'lsa, tartib kuchli bo'ladi.
23. *Ko'k rang ochiq osmon va dengiz rangi sifatida o'zida yuksaklik va chuqurlikni ifoda etadi.* Ushbu gapdagi yasama so'zlar qanday sintaktik vazifalarni bajargan?
A) to'ldiruvchi, aniqlovchi, hol. B) to'ldiruvchi, kesim
C) to'ldiruvchi, aniqlovchi. D) to'ldiruvchi, aniqlovchi, kesim
24. Kesimlaridan biri ot, ikkinchisi fe'l bilan ifodalangan qo'shma gap qaysi qatorda berilgan.
A) Halol yashamoq- xalqqa xizmat qilmoq.
B) So'z chertib olinishi, har yoqdan tanlanishi lozim.
C) Bizning yurtimiz chaman, unda quv nab o'saman.
D) Navbahor ochildi gullar sabza bo'ldi bog'lar.
25. Qaysi qo'shma gap qismlari nisbiy so'z yordamida birikmagan?
A) Siz Hindistonda neniki ko'rgan bo'lsangiz, shularning barchasini jam etib, bir kitob yozmog'ingiz darkor.
B) Qalandarov yugurdagini "Eshon, hoy!", deb chaqirganda Said a qanchalik xursand bo'lgan bo'lsa, buni ko'rib, ta'bi shunchalik tirriq bo'ldi
C) Kimning ko'ngli to'g'ri bo'lsa, uning o'zi ham to'g'ri bo'ladi
D) Yerga mehringni bersang, u senga rizq beradi
26. Men dadil ayta olamanki ,halol mehnat qilishga odatlangan odam hech qayerda uyalib qolmaydi. Ushbu qo'shma gap haqidagi to'g'ri hukmlarni belgilang.
1) ergashgan gap bosh gap tarkibida ifodalanmagan to'ldiruvchini izohlamoqda; 2) ergash gap bosh gapdan oldin joylashgan; 3) ergash gap bosh gapga bog'lovchi vazifasidagi vosita yordamida bog'langan; 4) bosh gap shaxsi umumlashgan gap hisoblanadi; 5) qo'shma gap tarkibida bitishuvli birikmalar soni 3 ta
A) 1,2,3,4,5. B) 1,3,5. C) 2,4 D) 1,2,4
27. Berilgan gaplarning qaysilarida kiritma mavjud?
1) *Hoy, aylanay, o'g'rigina bolam, boshimda shunday musibat turganda ko'zimga uyqu keladimi?* 2) *Voy-bo'y deb yubordi-u .-Yerimiz muncha chiroyli!* 3) *Voy, sen-ey, -deya Chuchuk uloqchani shal pang quloqlaridan tortqilab qo'ydi.* 4) *Ey Luqmon Hakim, sening dong'ing tutdi olamni.*
A) 1,2,3,4 B) 2,3,4. C) 3,4. D) berilgan gaplarda kiritma mavjud emas.
28. "Yurtim, ado bo'lmas armonlaring bor" she'rida "jayrondek termulgan" ta'rifi kimga beriladi?
A) Fitrat B) U.Nosir C) A.Ikromov D) Cho'lpon
29. "Farhod va Shirin" dostonida Xusravning vaziri kim edi?
A) Sheruya Parviz B) Shopur C) Buzrug Ummid D) Davron Xallos
30. M.Shayxzoda qaysi mutafakkir ijodi va faoliyatini o'rganishga bag'ishlangan jiddiy tadqiqotlar olib borgan?
A) Bobur B) Ibn Sino C) A.Navoiy D) Ganjaviy

